

歸善縣志卷之三

山川

其山崑巍以嵯峨其水泮渫以揚波其人磊珂而英多孫子荆與王武子語而自言其土地人物云爾知人物之鍾毓因地靈焉惠州舊志稱歸善羣山綦布雙江合流周覽形勝賢哲挺生有自來矣志山川第三陂隄附

白鶴峯 在縣治後高五丈周一里鶴峯返照為郡城八景之一其地脉自九龍岡東來迤演入城由城隍廟歷學宮至此隆起為峯古有白鶴觀在其上久廢

歸善縣志

卷之三 山川

一

宋蘇軾嘗寓此詳見古蹟

宋唐庚水東感懷

案白鶴峯

在水東舊志直作白鶴峯感懷則改題目矣今從原集

往事孤峯在流年細草

頻但知其室邇誰識所存神碑壞詩無敵堂空德有隣吾今稍奸黠終日酒邊身 明孫蕢白鶴峯詩峯

頭鶴已去檻外水空流明月山間夜蕭蕭古木秋

國朝連國柱白鶴峯詩古觀留名蹟悠然塵外情山

光低漾水江勢遠吞城盃酒供談笑繁花解送迎詩

成招鶴語不敢和淵明

葉維城贈用山人移錫鶴

峯豐湖廿載息長筇杯渡雲間臥老松碧沼錦鱗通夜梵蒼枝靈鶴和晨鐘竹間泉響爐烟細亭畔風歸

樹影重坐見雙鳧翔遠漢好將貝葉覆雷峯

僧印

度白鶴峯種松地因疇昔盛松種異時看一鑿依清

梵千株聳碧巒月明孤鶴唳雲淨老龍蟠莫問秦封

事相期共歲寒 李葯鶴峯懷古 弔古情非一傷今

祇自嗟魚牀侵硯水鶴夢繞松花樹藹分雲冷城長

抱月斜江山猶昔日我亦到天涯 任若埉九日同

沈司理登白鶴峯 共喜題詩別有神天空四望迥無

隣風吹短鬢秋將老霜壓疎籬菊尚新遠水倒涵青

嶂落孤城斜抱夕陽淪茱萸照眼知誰健馬上歸途

醉問人 呂應奎鶴峯遠眺 極目江山勝烟嵐入翠

歸善縣志

卷之三 山川

二

微雲辭古木去鴉帶夕陽歸牧笛聞樵岸漁船息釣

磯因思鶴嶺下何處覓令威 俞九成鶴峯返照夕

巘蒼茫已夕曛尚餘倒景入層雲丹梯歷歷無塵鞅

惟有樵歌送客聞 是詩西湖志誤編作蘇軾

釣磯 歸善縣治之北數步抵江少西有盤石小潭可

以垂釣 據蘇軾江郊詩 江郊蔥曩雲水蒨絢

碕岸斗入洄潭輪轉 輪作淪誤 先生悅之布席閒燕初日

下照潛鱗俯見意釣忘魚樂此竿綫優哉悠哉玩物

之變 間作開誤

國朝姚明述蘇學士釣磯釣臺遺蹟好重尋北渚危

磯自古今明月暗侵孤鷺影澄潭斜度片帆陰却憐
歲月從茲老那管烟波幾處深記取江郊吟菼絢臨
風一爲發清音 王秉衍蘇文忠公釣磯雨後新苔
滿舊磯有誰垂餌釣斜暉蒹葭露冷涵秋遠楊柳葉
殘搖翠微遷客復遷不復返去鷗何去竟何歸風吹
日落漁歌起驚起白雲天半飛 陳熙昌釣磯修禊
得湖字快晴天氣待吾徒釣石登臨尚憶蘇風俗何
須傳晉代春光依舊在豐湖青山當面浮新翠碧水
分流浴野鳧漫說采蘭兼贈芍會心能似舞雩無

盧挺釣磯詩曾記林婆酒可賒江郊蔥蒨見漁家終

歸善縣志

卷之三 山川

三

朝弄水衣常濕春日簷花帽半斜無數潛鱗窺夜月
一竿新竹漾明霞使君問道饒佳句不負清風舊釣
槎 又譚君祐暮雲一片鎖江東江上猶傳引釣筒
白鶴有峯人自老灘頭空咲落花紅 又孫符學士
漁磯下清波漾碧天漁人棹小艇於此釣春烟

又楊朝樞臨臯曾舉網此地石猶盤海外從飄泊珊
瑚拂釣竿

椈木山 府治建焉楊子方言吳人謂刺木曰椈山舊
多椈木故以名山有宋陳堯佐野吏亭詳見古蹟

子西嶺 在府城南門外沙子步以宋博士唐庚謫惠

居此而名子西唐之字也 明劉燾子西嶺書齋卽

事山莊舊是子西居先世誅茆此著書西去鯉湖多
古蹟東來鶴嶺仰賢廬叅雲喬木蒼虬老繞徑修篁
綠玉如鍵戶殘編猶滿架休教遺澤又成虛

國朝韋之璠遊子西嶺詩登高四望遶沙洲萬井參
差烟火稠白鶴峯迴雲樹古橫塘水帶竹林幽巢空
鳥鵲斜陽淡翠聳樓臺粉堞浮憑吊坡公誰與友佳
名合得子西留

飛鵝嶺 在府城南門外一里喬木秀發勢若飛鵝故
惠州爲鵝城亦以此得名四面皆水源自石埭山發

歸善縣志

卷之三 山川

四

由西南而東遶嶺折而過大通橋入西湖

栖禪山 疑卽孤山在湖之西南栖禪寺舊在其上以
此名山耳西湖志云四面皆水薛侃登高歎曰此山
令前後二堤不牽巍然錢唐之孤山故後以孤山目
之則是孤山之名在後特未詳其初爲何山耳

宋唐庚登栖禪山詩海雨山烟撥不開眼前遮盡望
鄉臺如何借得維摩手斷取西南故國來 又栖禪

暮歸書所見雨在時時黑春歸處處青山深失小寺
湖盡得孤亭 春着湖烟膩晴搖野水光青青仍過

雨山紫更斜陽

舊志 存一首又
改題作栖禪寺

豐山 在府城西湖從林家峯雷家碇衍脉鎮麗湖邊

明薛侃豐山步周獅峯韻野寺湖中景月上綠楊

堤矯矯鳴陽鳥飛過倍參差別去惠錦囊落我白雲
裾呼童拈香讀詞雄湖海姿往事已陳迹逢辰正憂
危行行凌霄漢維屏壯猷爲寂寂臥烟塢虛庭花影
移元竅嗟久塞探蹟誰端倪魯陽戈入手寧訝夕陽
時悠哉無窮思抱獨守其雌 葉世俊初晴偕友泛

湖小酌豐山揚舲逢霽色秋漲碧連天棹急紅蕖亂

風和綠芷鮮樹翻波底影山帶 烟去去東林社

相期訪白蓮 十里湖光好亭 滅沒間鷗懽新水

歸善縣志

卷之三 山川

五

浴魚戲碧溪閒倒影青天入歸船明月灣百年須一
醉容易鬢毛斑

榜山 在府城西二里蒼 高聳橫若列榜故名西湖

志增六景榜嶺春霖其一也又謂之天馬山誥軸山
上有瑤池石樓巖壁峭立登之可盡郡中之勝又有
韶華石鳳棲洞洞在榜山中西北最清勝有玉液泉
石壁蓮池 明陳運榜嶺春霖疊嶂幽巖鎖碧空翠

微常在水光中誰知慰滿躬耕者盡是冥冥助化功

國朝楊昌文榜嶺春霖羣峯開翠壁天半可題名忽
見風雷作如聞波浪聲東皇沛解澤南畝足深耕流

作平湖漲興懷擊楫情

石埭山 在 城西南四里

舊志七里及八里俱誤

峭石壁立中

有流泉濺沫若飛簾亦謂之水簾洞激湍而出注於
豐湖水簾飛瀑爲八景之一舊有復泉觴咏寒淥三
亭在巖壁間今廢 **明**吳高水簾飛瀑暮春三月春
服旣成睠言樂遊求其友生陟彼嶙峋星石壁立流
泉涓涓玉虬千尺挹泉水兮塵纓可濯日月其邁云
何不樂花木暢茂生意欣欣浴沂詠歸思昔之人我
思昔人匪耽逸豫優哉悠哉聊以適志流觴泛泛鳴
鳥嚶嚶感時懷古千載同心

歸善縣志

卷之三

山川

六

國朝姚子莊水簾飛瀑飛瀑偏涵月浮槎欲住雲玉
盤銀練瀉碧澗雪花勻路僻行踪絕天高落葉聞汲
泉烹茗坐風過雨紛紛 **又**薛侃一道珠簾水長懸
蒼翠間冷風吹白日急雨響空山石漱林端齒潭清
鏡裏顏探奇欣共賦臨發更忘還 **陳**聖聽偕友登
石埭山萬壑千峯酒一杯天於此景若爲裁詼諧大
抵皆仙侶歷落其如出世才策杖豈隨夸父誕整襟
還逐啟期開岬然峭立巖前石不是狂夫不上來
葉媚猶龍兄招遊簾泉得簾字有約西山看水簾舍
舟着屐不辭炎石泉噴雪晴來減爽氣因風午後添

絃管憑高入村落耕樵聽曲立茅檐竹林彷彿同今

日雅韻新詩許共拈

衛金章水簾泉詩絕壁懸泉

落晴飛衆壑雲臨崖光可鑑中路響先聞冷氣侵衣

濕奔流過石分無端挾風雨露灑更氤氳

劉士龍

水簾飛瀑瀉盡銀河落碧水簾一片日高懸冷涵

清影峩峩雪靜寫寒光彭蠡烟照出鬚眉聊共賞贈

來珠玉幾時還西湖恐亦難留住莫漫題詩擬謫仙

新村嶺 在府城西十里下有橫槎水自黃洞而來郡

以此爲西障

周逕山 在府城南二十里延袤數十里中有腴田其

歸善縣志

卷之三 山川

七

外岡阜環複崖壁峭立東通麻庄南出中崗北抵橫

江西接大嶺路皆險峻山石曲折下流澗水舊嘗屯

兵於此

黃洞山 在府城西三十里下有橫槎水出焉洞亦作

崗土人呼爲貫崗其東數里有盤谷曰半徑郡城人

景有曰半徑樵歸卽此 明吳高半徑樵歸惠陽十

萬家采薪皆此處荷葉蓋頭歸知是前溪雨好鳥如

有情對人相慰語明日仍復來山靈不厭汝

又陳

運芒屨踏破白雲層石磴迢迢幾度登一局殘棋看

未足不知塵世似風燈

國朝連國柱半徑樵歸懶從征騎逐長堤半徑行來

日已西幾處穿雲迷舊路何人引鶴到前溪采將蘭

蕙盈懷袖帶得烟霞供品題借問道旁名利客塵踪

何事復栖栖 又俞九成雲谷重重路幾迷歸途不

記向來蹊羊牛欲下村烟起回首寒山日未西

西湖志作

楊昌文詩

松柏嶺 在府城西三十里上多松柏

鼓角山 在城南四十五里 舊通志作東 左右兩峯如

鼓角拱抱郡城淮水經其下

淡水山 在府城東南六十里舊通志未載新志有

歸善縣志

卷之三 山川

八

歸化山 在府城東北一百里梁化社境即雞籠山高

二百丈周迴一百五十里神溪水出其南梁化水出

其西南上下義水出其北

案通志作梁化水出其西亦無上下義水又云舊志

又有梁化山其實即此山而梁化乃地名也分二山者誤考舊縣志但據載連國柱刪輯郡人葉萼山川總論原無梁化山惟以雞籠山為即歸化山歸化山見隋書地理志豈以歸化為梁化乃明志之誤耶

懷安山 歸善有懷安山見隋書地理志今補入未詳

何所

銀瓶嘴山 在府城西一百十里峯巒聳秀形如瓶嘴

跨同湖入都樂小山甚衆皆發於此

九龍山 在城東一百二十里山脉來自劉陂嶂有譚

公未成童得道於此上有龍潭以鐵投之致雨舊有
庵有田今重修 庵之左有志陰亭鄉人知州陳鐸
所建

百雲嶂 在府城南一百三十里高百丈舊通志作高
千丈廣百里誤周圍七里重崗複嶺時有白雲繚繞
西湖諸山皆發於此

大星山 在 海所之南海 廣袤二十餘里距所
十里其 爲小星山故平城曰雙星星海聯珠爲十
景之一 山川總論 平海所東爲峯背爲港尾
南折斗入海爲 山分水面三十里爲白雲山

歸善縣志

卷之三 山川

九

下爲曰雲屯

梧桐山 在府城西南一百七十里抵新安界聳峙三
峯周匝數十里其頂有天池深不可測林木叢生
產梧桐及異草

平海山 在城東南二百里其下爲平海所 所城有十
景曰龍

聳翠星海聯珠平樓烟景魁閣梅英江天晴雪嶽
澗清流龍泉聽梵 嶺觀潮古渡漁燈孤洲釣月

礫頭山 在城東北二百里爲歸善盡境與礫頭二十
里而近曰南嶺周百餘里四高中衍惟一路可通險
阻可據宋文信國嘗駐師於此舊設守備公署今廢
西湖 爲郡之勝覽長二里餘繞郡城外之西南源自

橫槎衆山之水滙焉以其在惠州之西故名西湖湖亦分裏外爲三隄間之堤各長里許有橋六曲曲相通中有漱玉灘點翠洲明月灣及大小島峙當烟雨之際乍有乍無有海上神山之勢粵故有三西湖一在湖一在雷一在惠而以惠爲勝蘇子瞻以爲不讓錢塘明聖湖云 宋陳堯佐遊惠陽西湖附郭水連山公餘獨往還疎烟魚艇遠斜日寺樓閒繫馬芭蕉外移舟菡萏間天涯逢此景誰信自開顏 唐庚湖 上詩佳月明作哲好風聖之清湖邊得二友夜話投三更烟露兩相失水天參互明散衣芭蕉涼曳杖枕

歸善縣志

卷之三

山川

十

榔輕星走拋餘光山空答虛聲歸矣不可留過幽恐神驚 林嶼重關西湖鏡奩平處小橋西橋外輕鷗掠鏡飛鑿破青雲放山出撥開碧蘚引湖歸帶烟補柳陰難瘦趁雨裁荷綠已肥欲借禽魚祝君壽君恩寬大此情微 楊萬里遊西湖詩三處西湖一色秋錢唐潁水及羅浮東坡原是西湖長不到羅浮那得休 明葉春及元日同友西湖風雨達日元日西湖雨不絕玉壺畫舫興何豪城邊暝合青天失夜半風翻白浪高咫尺樓臺藏洞壑參差鐘磬出林臯明朝只在沙鷗畔凍草寒雲濕羽毛 又端陽前二日同

遊得堪字畫舫年年泛蔚藍三閭空自放江潭聲傳
鼓角千家靜影落樓臺一鏡涵漁父優游還弄楫故
人哀暮欲投簪且將酩酊時序中散從來七不堪

王克誨湖上一片湖光萬頃藍鏡中橋影落三三

水禽不畏蘭舟蕩霜葉何知野客酣別浦亭臺連荇
藻遙天鐘磬出松杉伊人已遠芳洲綠惆悵青山隱

暮嵐 李學一夏日遊西湖西湖新水與堤平湖上

羣峯儼削成蘭棹泛時汀芷綠芒屨到處岸霞明年
華 苒慙雙鬢夜景霏微對短檠野老近來疎懶甚

陽春白雪詎能賡 夏尚忠春日顧大叅招飲西湖

歸善縣志

卷之三

山川

十一

得名字湖上春來湖水平西湖春色鎖孤城晴光燦
燦四山見佳氣蔥籠萬木生畫鷁初成朝載酒彩蟾
斜度晚吹笙風光別有湖中景何事杭州獨擅名

郭子直遊西湖亭臺縹緲近城隅選勝招遊興不孤
下走自慙非上乘南荒亦喜有西湖千村紅樹秋容

染兩岸青山海氣扶何日畫船同載酒與君訪隱人

菰蘆 張萱西湖歌九州之內三西湖真山真水真

畫圖錢唐明聖果不妄二高三竺神仙都汝陰勺水
胡爲爾歐陽太守移家至續遊不是老門生安得標

名在人耳惠州西湖嶺之東標名亦自東坡公紹聖

已非元祐日惠州豈與杭州同東坡寓惠凡三 有
詩一百七十二空將藤菜敵蓴羹江月纔留二百字
萬里投荒白髮臣栖栖數口合江濱却爲湖中了公
事故令嶺外苦行吟行吟豈是湖山主不放西湖入
佳句逐臣幸飽惠州飯敢向湖山添口語東坡東坡
真可悲磨蝎辰逢紹聖時脫離刀几全餘息領畧湖
山不在詩湖山之神更有說東坡先生果奇絕前知
後有西園公能爲東坡補其缺世間清福人最難清
福無過湖與山錢唐汝陰久占斷羅浮亦已窮躋攀
且留惠州一幅畫付與西園細描寫西園老矣可若

何年來亦是行吟者生長西湖六十年半農半圃半
漁船持蟹鯿英烟雨際黑甜軟飽水雲邊一片蒲帆
五石瓠六如荒碣三橋路峯頭白鶴幾時還月下芳
魂何處渡竹岸楊堤秋正新三三兩兩歌采菱城頭
日落不歸去篝燈遠近如流螢永福寺前鐘一動臨
風短笛漁三弄掄篙撒網携苓簪舊志誤
作笳網得銀梭
爭咲閨漱玉灘橫水不波蓼花深處落花多燭籠燒
焰射寒玉瀲灩化作金叵羅孤棹最宜孤月上水鳥
無聲秋沆漭人在冰壺琴一彈永夜衆山皆答響園
公更喜雨中遊荷聲淅瀝櫓聲柔烟鬢今已沐西子

畫舫何須載莫愁萬頃烟波湖一曲人濯其纓我濯
足結茆懶住羅浮山却向西湖伴幽獨西湖幽獨好
誰論可是東坡宿種根爲問西湖千載後有人能否
補西園 魏浣初遊西湖懷蘇文忠玉局文心絕代
無天教到處領西湖不緣浪迹頻遷謫爭得蠻鄉入
畫圖秋色斷橋連嶂起寒鴉古木一亭孤羅浮道士
今何在月出山空似可呼 鄭紹武夏泛晴湖雲送
錢雷捲雨收林塘六月卽清秋山烟入樹濃初淡水
鶴窺魚去復留的的巖花嫣欲咲雙雙鷗鳥劇同遊
停橈試問簔翁意佝僂昏朝此釣舟 翟紹高遊西

歸善縣志

卷之三

山川

十三

湖湖水淺且清烟霞寒日生石橋迴斷岸寶塔倚層
城衣惹江梅落舟移沙烏鳴錢唐故同勝歌舞重含
情 歐主遇西湖雨中山容涼雨洗湖色遠天空演
送孤棹飄飄乘好風浴來鷗鳥伴穿盡蓼花叢指
點伊人處江樓幾度通 湖船望不極雁塢翠微中
三十曾遊地羅浮一老翁火雲飛雨淡晴岫夕陽紅
幾變姓名客將毋范蠡同 又遊西湖迴文和車文
滙遊路堤橋六美人同采芳舟虛客度影水漾月生
光鷗鷺羣爲熟芰荷衣最涼愁消將進酒秋晚屬懷
鄉 閨秀孔少娥點翠洲詩西湖西子兩相儔湖面

偏宜點翠洲一段芳華描不就月灣宛轉似眉頭

國朝施起元西湖詩夢裏新豐未足奇湖光到處若
爲期六橋不減錢唐景雙柳同垂潁水湄萍梗誰憐
磨蝎命檜根徒向蟄龍知仙槎日泛披雲島曾憶金
蓮夜燭時 **鄭欽陞**方山招飲西湖次韻纔遇東坡

便姓西汝杭陳穎許同題沿灘幾個漁舟泊叢篠一
聲山鷓啼遠樹孤烟生客恨斜陽衰草照人低登臨
欲上招提望暝色蒼茫望轉迷 蕩舟人在畫橋西
急雨催詩手自題夾岸野花隨意發親人好鳥盡情
啼中流塔影澄空碧極浦漁歌返照低興到莫辭歸

歸善縣志

卷之三

山川

十四

路晚滿城燈火不曾迷 **鍾明進**遊湖金風颼颼出

郊垞蘭舟桂楫波泠泠沿岸攀羅驚宿鳥溯流牽藻
帶浮萍數盃濁酒消塵累幾樹黃柑覆野亭日落不
愁歸去晚漁燈明滅亂湖星 **連國柱**西湖夜飲風

景西陵日簫聲幾處聞停歌還待月遊舫欲披雲出
浦烟光亂過橋夜色分一時催點燭軒幌共氛氳
白露起寒色蒼蒼入暮秋岸排漁網宿人住洞庭舟
塔影雲中掛山容鏡裏浮溯洄無限景懷古一長愁
夾岸明霞卷琴尊薄暮過渡頭留晚照天半落清
歌擊柝催城雉迴風散綺羅不知蘇子曰清興復如

何 車顯祚西湖讌集寒山遠樹散輕烟淡蕩晴湖
野色連寂寞偏成楊子宅風流還借米家船居隣白
鶴鐘猶度碣冷朝雲草尚阡遙憶錢唐多髣髴開尊
端不負前賢 翟祖佑西湖懷友芙蓉香霧靄江關
倚策長堤獨鶴聞地近朱陵家紫洞天連南斗夢西
山浦雲着樹寒花徑秋水同人碧月灣爲憶江州庾
開府樓頭清嘯擬追攀 劉敬培西湖春曉漱玉灘
頭報曉鐘六橋堤畔水淙淙由來地暖春偏早莫怪
雲深睡正濃蛙鼓不聞喧水草鷄聲時復亂村舂欲
遲問柳尋花客咲指松關閉幾重 陳芳上巳湖上

歸善縣志

卷之三

山川

十五

霽景佳辰信足歡鶯花全作畫圖看長堤草染青鞵
綠垂柳風吹白袷寒雲物儘供人嘯咏風流寧讓晉
衣冠湖山處處開胸臆百斛鵝黃酒量寬 溫九有
西湖泛月水月無痕寒玉靜清光徹骨心神冷何人
深夜弄蘭橈撥亂一湖星宿影 姚緒祖西湖晚眺
長堤兩水夾寒空盡寫遊人入畫中何處僧敲孤磬
雨隔溪漁唱一罾風綿蠻鳥作笙簧奏歷亂花飛錦
繡叢偶寄滄浪歌數曲臨風惟是憶蘇公 俞九成
漱玉灘明月灣噴沫流渦碎玉攢齷齪白浪嚙秋灘
閒來坐石時相看常得濤聲人夢寒 沙迴浦轉荻

花灣罷釣閒吟夜看山殘月半峯秋露冷櫓聲咿啞
和歌還 庾戾點翠洲中流已見綠蘋浮沙際還看
碧草稠一似携來京兆筆分將黛色灑芳洲

豐湖 豐山自西迤邐入西湖湖利弗禁施於民者普
故又曰豐湖豐湖漁唱爲八景之一湖介元妙觀永
福寺之前橫槎水從黃崗山來朝豐源從新村嶺觀
榜橋來滙于此葉浮谷志全湖大勢謂西湖者豐鱷
二湖之會非西湖通謂之豐湖俗且誤西湖爲鱷湖
然昔人固以西湖爲豐湖矣 宋劉克莊豐湖詩三首

錄 岷峨一老古來少杭穎二湖天下無帝恐先生晚

歸善縣志

卷之三 山川

十六

牢落南遷猶得管豐湖 舊志改作西湖 小米侍郎生較晚

龍眠居士遠難呼不知若箇丹青手能寫微瀾玉壘

圖 舊志詩題改作西湖懷蘇長公 明翁夢鯉過豐湖春到江頭細

雨霏西湖烟景望中微山藏古寺疎鐘度樹隱人家
獨鳥飛新水魚龍驚淼瀾大堤桃李競芳菲天寒不
置習池酒日夕長橋策馬歸 陳運豐湖漁唱四顧

湖山淡夕暉水雲深處靜忘機數聲欸乃滄浪外驚
起前灣白鷺飛 連國柱豐湖漁唱忘機曾說水雲
鄉漫唱風波拍岸狂驚得遊魚還避藻看將飛鳥入
橫塘滄浪寄傲憑烟笠風雨慵歸只酒觴點翠洲邊

聲斷續不勞絲竹問宮商

國朝釋真樸豐湖集興曉景易成趣凭高理靜紛權
聲通瘴霧鳥影入邊雲天向晴時淡山從雨後分遙
情不可極倚杖欲何云 小隱謝烟井徘徊水一方
斜陽亂鳥背秋漢落漁梁鴈護葭蒲雨魚分浦漱霜
郊原羣動息笳鼓到雲堂 蓬戶映花開曉寒絕去
來蒼巖號古瓦饑雀下生臺火撥千林葉烟深一徑
苔磬疎朝食罷獨杖倚簷梅

鯉湖 在豐山前昔有神鯉居此湖小而深亦曰鯉潭
漲決通湖惟此不涸水最宜茶有泉在湖邊惜卑濕

歸善縣志

卷之三

山川

十七

不堪磬石三冬可汲寺僧呼爲菩薩泉 明葉春及

鯉湖道中鯉湖燈火杉篁夜匹馬寒嘶萬木中明月
正懸淮上鏡怒濤先到澗邊松干戈滿地空傳角堞
壘連天野燒空奔走不堪鴻鴈裏豈緣行役限西東
國朝庾熒菩薩泉詩西方功德水欲覓意茫茫偶愛
山流乳因烹茶發香夜沉孤月小曉覆片雲涼卓錫
曾如湧塵襟滌上方

東江 古稱龍江在城北白鶴峯下其源一出江西安
遠東之尋鄔保一出安遠南之三百坑合于赤石渡
滙和平之烏龍鎮水歷西河又至何明潭合興寧雙

溪之水入于龍江交流數百里至此合西江水繞郡城東北出白沙堆歷博羅東莞入虎頭門海

國朝李必采東江夜泊霜風吹月入孤舟幾片輕雲逐水流羈客有懷憐夜永亂山無緒帶星稠蕭蕭落木蛩吟野漠漠寒烟鷺集洲渡口漁人不相識一聲長笛自夷猶

西江 在府城西里許其源南自馬頭山沙田西自大鴨水白馬水東自陽烏潭北自南輦水西自松坑水梁化水會爲西江迴亘一百餘里直繞邑城越東新橋合於東江 **明**張志規遊西江城南昨夜掛孤帆

歸善縣志

卷之三 山川

十八

縹緲乘風泊此灣春早壠頭畊犢健雲寒舟渚浴鷗閒未妨濁酒賒村店不用高歌破客顏牆外一枝花更好江邊清興謝公山 案豐湖東西江另詳見藝文

橫槎水 在府城西三十里從黃洞山之下東流入西湖有流盃灣玉環潭遊龍潭

國朝翟祖佑遙和同人窮泛湖源一函詒我江楓句會汎荃橈白鷺前北郭遙連三品石西新近失四銖泉幾叢弱葦牽長鏡何處殘霞帶遠天想去暮雲平谷口不如歸棹臥涼烟 **又**葉維陽橫槎一望白雲間曲曲清溪曲曲山縱目長塘懸怪石快心半徑瀉

澄灣鶴田拂翠苗初熟魚艇隨流釣自閒千頃浮光
意無限扁舟盡日不知還

同湖 在府城西六十里源自銀瓶嘴白雲嶂諸山之
水出永平會博羅界之東江

上下淮水 在城西九十里源自梧桐山東流至鼓角
山北旋至官橋合於西江

古仙水 在東里都源自孫崗山自南而北又折而西
入于龍江

桃花源 源從紅花嶂望天螺而出近石埭山谷口甚
小舊多桃花

歸善縣志

卷之三 山川

十九

朝豐源 從新村嶺榜橋出注鯉湖由烟霞橋注豐湖
秀水湖 在郡城內西湖水舊注此入西江後改百官
池則此湖瀦蓄益廣四面人居環之有魚菜之利

東湖 在邑城內一名塔子湖宋州守陳偁時歲旱教
民以牛車汲水入東湖溉田卽此邑庠面之湖中有

印山 案印山有二百
官池亦有印山 教諭王宗徐所築

龍塘泉 在郡城南沙子步相傳宋太守陳希元禱雨
有龍翔於此遂得大雨故名水最宜茶唐子西以爲
不減清遠峽

清醒泉 在豐湖南桃坑泉口僅如盂日汲數十石

竭水比他泉稍重

國朝鍾明進清醒泉詩并序清醒泉出挂榜山下田中其泉清泓甘冽不入世味別有一種脩遠之致甘公名爲清醒不虛詢之主者姚氏云此下有巨石覆蓋石罅通泉滾滾泛溢上僅作一斗圈涵之如井大旱百人取汲不竭 泉細涓涓聽獨鳴野田靈竇一泓盈何來天味全消俗不人人間自有名清骨最宜冰潔似醒心偏愛澗寒生茶鑪煮向花陰漱一勺悠然邱壑情

古榕泉 在湖峯西麓迸出石罅甚芳冽清醒則甘然

歸善縣志

卷之三 山川

二十

冬盡春初古榕泉味復與清醒埒清醒不變而古榕獨變亦異甚

溫泉 有二一在陽烏潭一在旂子塹又一統志載歸善有三井相連其泉一冷一溫一熱今不知其處或云在惠州城北

案舊志山川第用葉萼山川總論旣非志例亦失之繁冗舊府志分列山川 前簡畧已甚而又重出總論於後過於繁複亦或 有此無今悉心參考視舊府志較爲詳備詩文皆 附其下以便觀覽間有字句未安之處畧爲改易 不失其本來非敢妄作也

山川總論自是爲惠郡堪輿家而作附藝文

附陂堤

白馬陂 在都樂都注蓄最深溉田五百餘畝

蒲盧陂 在上下淮都障山水而成

蘇公堤

在豐湖左岸

案卽西新橋僧希固所築

拱北堤

堤瀦湖水爲郡金湯故欣樂驛距朝京門皆

水道宋治平間知府陳偁勅堤二百丈奇中構石橋

洩橫槎水明景

七年同知蘇潤推官王瓚知縣李

寬典史劉桓建石堤石內重築厚土嘉靖十六年知

府李玘推官方望石鼎所侵明月灣塘移土以

歸善縣志

卷之三

山川

二十一

益堤廣十丈袤三十餘丈堤厚水瀦無恙者四十餘

年萬歷癸未瓷鍾樓堤三尺水北趨此堤始潰壬辰

知府相捐築次年復潰甲午同知邱一鵬通判

唐體元陳五策推官廖如龍各捐俸修築明楊起

元重修拱北堤記畧湖高水注江若建瓴惟恃三堤

蓄焉南隄石骨自固前人所致力者惟北鐘樓堤鐘

樓堤者中離薛先生嘗言宜瓷之長水三尺許湖勝

乃完前守潤寰公施其策然北堤自是寢壞萬歷

辛卯後潦連之太守燮軒林公屢捐俸委官築塞

甲午春水漂石勢且及橋迨秋水涸湖中之地

極目昔人所 萬衆可屯者此矣邦人大懼

時鄉士夫葉司訓 梁廣譽劉元奕姚津李如桂劉
漸造張王治潘一 徐輝斗葉世俊司訓李學謨卜
日經營併力偕作 治厥基相彼缺口土疏且淖用
松作榘入土數尺密比如櫛松榘既平上乃施石去
礪礪砌縫無罅三十餘丈隱如城墉屹峙水涯內乃
實土用牛蹂躪土細光膩鍤楸試之堅不可入度鐘
樓堤僅高一尺當中爲渠溢則洩之凡用石之直若
干土工之直若干牛力取之近鄉其餘竹木悉給直
共若干金始甲午仲冬之某日訖乙未夏之某日是

舉也郡公未嘗 吾民而吾屬以義應之而竟成之
者中有長者二三焉持其議也其翕然從之也則莫
不視衆人之休 若在已任衆人之勞怨而甘之供
給無所受榮名無所徼湖利無所取此可書之大者
豈特全城池之險完風氣之美已哉故記而以助金
姓氏列之碑陰其題在簿而不出金者隱其姓名而
書若干人簿到而不題者書某約以示義之不可後
云

國朝康熙八年知府朱賚知縣連國柱率郡人築以
灰砂始固丁卯知府呂應奎捐修

堤 明宣德間知府陳顏修正德間知府方良節重修嘉靖戊戌推官方邦望增築丙辰推官楊載鳴從諸生湯旭等請治盜毀者罪得不圯崇正十六年堤決知府梁招孟推官張正聲修築

國朝康熙二十六年堤潰水涸知府呂應奎通判俞九成設法修築堤成湖水平漲民有魚蝦之利樓堤 湖水穿城以堤爲瀦洩明嘉靖乙巳知府吳至增關下版閘萬歷丁亥知府黃時雨易以石崇三尺許會水常盈樓本三層以形家言不利拆之四十四年守道沈麟祥重建一層扁曰湖中樓

東江水利 東江之源一出江西安遠縣東之尋鄔保一出安遠縣南之三 坑蓋自江右以至粵海凡其委輸之區則田疇利之而惠州占焉故曰惠之川莫大於東江浸莫大於豐湖

豐湖水利 豐湖者西湖也豐鯉二湖之滙也三大溪之水北曰橫槎西曰水簾西北曰新村曰天螺合於西新橋滙爲湖廣袤十里汪洋千頃然溯其故道橫槎水趨拱北橋入東江水簾新村天螺水趨西新橋穿城注秀水湖入西江明初闢南城塞故道奪秀水之流注百官池鑿象嶺脉而橋之以達鐘樓入西江

堤拱北橋使橫槎水不北洩此西湖所以瀦爲湖也
郡城三面臨江一面臨湖而水利增矣